

Ujaheni, Wenzile?

isiZulu

Izinga

4c



Bomikazi Njoloza



Qiniseka ukuthi uyakwazi ukufunda lawa magama

ukugcwala, ebuthongweni, esangweni, wagxuma, yikhwela, emotweni, wayekhathaliswe, wayengakhathaliswanga

Ujaheni, Wenzile?

isiZulu

Izinga 4C

ISBN: 978-1-77981-408-1

© 2023 Ulwazi Lwethu African Languages Literacy Project

Umbhali: Bomikazi Njoloza

Umhumushi: Zandile Malaza

Umdwebi: Thulisani Zenda

Isakhiwo: Rock Bottom Graphic & Design

Uhlelo lokuqala lokushicilela luka-2023.

Ujaheni, Wenzile?



Bomikazi Njoloza

Kikilikiki! Kukhala iqhude, livusa uWenzile ebuthongweni.

KwakungoLwesihlanu ekuseni, ilanga uWenzile alithanda kakhulu.

Imicabango yakhe ibisohlelweni lwakhe lwantambama.





Wagxuma embhedeni wacishe wenyela
iqakala.

Wayelangazelele imisebenzi yosuku
kanye nomsebenzi wesikole. Wayejabulile,
engakwazi nokulinda.

Ujaheni, Wenzile?

Waziphonsa ebhavini wageza ngokushesha!

Washesha elungiselela ukuya esikoleni.

Ujaheni, Wenzile?





Washesha kakhulu ukuze abe ngowokuqala endaweni yokuhlangana. Wacishe wawa.

“Uma ngijaha, usuku nalo luzojaha,”
uWenzile uyacabanga, eziqinisa.

Ujaheni, Wenzile?

Ekilasini, wajaha emsebenzini wakhe wesikole. Waba ngowokuqala ukuqeda iZibalo, nanoma enze amaphutha athize. Wayelangazelele ukuthi ilanga lesikole liphele.

Ujaheni, Wenzile?





Ekugcineni, insimbi yokugcina yosuku yakhala.

UWenzile wagijima ephuma esangweni, wacishe wawa.

Ujaheni, Wenzile?

Umama wakhe wahamba kancane eqonde ngakuye.

“Shesha, mama, ukuze sizofika ngokushesha laphaya!”

Umama wakhe wayethembise ukuhamba naye endaweni yokubhukuda kanye nomzala bakhe.





Wazuba, wagijimela duzane.

Ithe nje ukuma imoto duze nephuli, uWenzile wayengasakwazi ukulinda.

Wafaka izinyawo zakhe ukuze ahlole ukuthi amanzi abanda kangakanani.

Chapha! Wangena phakathi.

Wanela ukungena, wezwa into ezwakala sengathi yikhwela ngenkathi amanzi aqala ukugcwala ezindlebeni zakhe.

Wayeqhaqhazela ngamakhaza.

Unyawo lwakhe luthe amanzi ayafudumala kepha isifuba sakhe sathi amanzi ayabanda.

Wabuyela emotweni ezwa amakhaza
kakhulu futhi ezisola.

Umama wakhe wamnikeza ithawula elisha,
elifudumele, elintofontofo ukuze azesule
ngalo.





Wafika endlini edonsa izinyawo, waziphonsa kusofa walala.

UWenzile wayengakhathaliswanga ukubhukuda. Cha! Wayekhathaliswe ukujaha kukho konke ayekwenza ngalolo suku futhi agcine engaqedanga kahle nokukodwa.



Readers

Izinga 1-2

- Isomiso
- UNunu noBobo
- Amawele asizayo
- Lingandiza?
- Vala, vula, veza!
- Imbongolo kaGumbi
- Inyoka esibayeni!
- UMbali ukhumbule ubaba
- UMbimbi nescibucabu
- UNdumi ufuna ukupenda
- UBongi umatasatasa!
- Basepulazini
- Bukela kimina, Phephe
- UShaka umangele!
- UMenzi nokuhlazeka!
- Umliilo!
- Bahlala bebobabili!
- Umshado wezinkawu
- UShonaphi ulimele
- Asongeni amanzi
- UFumani nembuzi
- Isobho lemifino
- Isihluthu
- Abangani kunoma yisiphi isimo sezulu!
- Ubuchule bukaSidlodlo

Izinga 3

- Ijazi eliguqukile
- Angiyithandi imifino!
- UNtando ojabulile!
- Uthingo lwenkosazane lukaThando
- Ingubo kaShila
- Uthando lwamawele
- Izicathulo zikaThobile ezintsha
- Basiza umkhulu ukuze alulame
- UNTombi ubamba isigebengu!
- Isifo sezingulube
- Umlimi uNceku nezinkawu
- Ukufunda ngamaxoxo
- Isifiso sikaNhlawulo siyafezeka
- Amanzi! Amanzi!
- Isihlahla eselaphayo
- UMoli neziqhumane
- Amaqanda kaDwiki alahlekile
- Isimangaliso sembewu
- UMabonwa uyasazi isikhathi
- Soweto
- Icebo elihle likaMandla
- Iziphu
- Isibhelane sikaKulani
- UFani noSiba
- Umdlali ovelele
- Ibhola elilahlekile
- Indandatho yegolide
- UMondli uphethwe yisisu
- Ukunambitha ukudla kwesiVenda
- Isiko lwamaVenda
- Sivakashela esiqjwini
- UNomazwi uzicgina ephilile!

Izinga 4-5

- Izingosi
- Ujaheni Wenzile?
- Ingwenya enonya
- Izinhlobo zezithuthi
- Ukuziphindisela kwezinkunzi
- UThuthuva uqala kabusha
- Intombazana ehlananiphile
- Izimpahla zinkulu kimi!
- Abafana abahlakaniphile
- Umdobi wezinhlanzi
- Ubusuku obungalaleki
- Isifo somkhuhlane
- UNomadlakadlaka onesibindi!
- Inkinga engadini kagogo
- Isicathulo esihle
- Iphupho likaSiviwe

ZENEX
FOUNDATION


MOLTENO
INSTITUTE FOR LANGUAGE AND LITERACY
EST. 1974



Ulwazi Lwethu yiphrojekthi yeZenex Foundation exhaswe ngezimali futhi esungulwe ukuthuthukisa uchungechunge lwezincwadi zokufunda zolimi lwase-Afrika, ezisemazingeni kanye nezokungcebeleka, nezinsiza zokusekela othisha. Le phrojekthi iqondiswe ekufundiseni nasekusekeleni abafundi abaseSigabeni Sabokhewane ukuze bathuthukise ukufunda nokuqonda kwabo ulimi lwasekhaya. Izincwadi zokufunda zisungulwe ngezilimi eziyisishiyagalolunye zase-Afrika ngokubambisana neMolteno Institute for Language and Literacies, Nelson Mandela Institute for Education and Rural Development, Room to Read South Africa, kanye neSaide. Zonke izinsiza zenziwa njenge “Open Education Resources” (OER).

Please visit our website to download the full copy of this reader:
ulwazilwethu.org.za



Creative Commons Attribution-
NonCommercial-NoDerivatives
(CC BY-NC-ND) 4.0
International Licence

Disclaimer: You are free to download and share this work as long as you attribute Zenex Foundation, but you may not change this work in any way or use it commercially.

